

分部本抄用

责任编辑 徐岩春

图书在版编目(CIP)数据

分部本草妙用/(明)顾逢伯撰.-北京:中医古籍出版社,1996.12

(中医古籍善本丛书)

据明崇祯刻本影印

ISBN 7-80013-654-x

I. 分… I. 顾… III. 本草专著-中国-明代  
IV. R281.3

中国版本图书馆 CIP 数据核字(96)第 24977 号

分部本草妙用

(明)顾逢伯撰

中医古籍出版社

(东直门内北新仓 18 号 100700)

全国各地新华书店经销

韩营古籍印刷厂印刷

787×1092 毫米 16 开本 18 印张

1997 年 1 月第 1 版 1997 年 1 月第 1 次印刷

印数:001~200

ISBN7-80013-602-7/R·598

定价:490.00 元

## 内 容 提 要

《分部本草妙用》十卷，明代顾逢伯撰于明崇祯二年（1630）。本书是一部在药物分类上独具一格而又内容简要的本草学著作。

顾逢伯，字君升，号友七散人，顾氏广博儒书，深研医理。以三年之功，撰成此书。

本书主要特点在「分部」上。书中按药物归经，将纷繁各异的药物分为肝、心、脾、肺、肾五部，及兼入多经的兼经部，每部又根据药性的寒、温、补、泻、平，析为温补、寒补、温泻、寒泻与性平五类。此外，又另设杂药部、谷部、菜部、果部、兽部、鳞部、水部、火部、土部。全书共分十五部。这种分类方法，有别于其他各种本草著作。作者认为「用药如用兵」，用兵有水战陆战之分，火攻车战之别，及天时地利等因素。用药亦如是，「心肝脾肺肾，药之性也，各走其脏；寒、温、补、泻、平，药之能也，各效其灵」。「如引经谬则生克颠倒，补泻差则证候反剧。」所以特别强调药物的归经与补泻，并据以分类。当然，用药时尚须注意阴阳气运之变更，五方燥湿

之不一，表里虚实之异形，风寒暑湿之各异。

本书的第二个特点是在内容编排上与介绍药物时，简捷明了，不芜不蔓，力求实用。作者认为《本草纲目》与《大观本草》两书，「虽云极备，而泛滥无绪，不便检阅」。乃「遵古人之旨，参近世之论」，删繁就简，为读者临证实用提供方便。全书共收药物五百六十余种，每种药物简要计述其性味、有毒无毒、相使畏恶、别名、药用部分、炮制、配伍、功用、主治、用量等。每药大致在二百字左右，力求「无支蔓之费解，有捷径之可师」。经详细考察，本书实为《本草纲目》的缩写本，主要在于便于读者使用。

第三，作者十分重视食疗药物的应用。书中共收谷、菜、果、兽、禽、鳞六部一百八十六种食疗药物，几占全部药物的三分之一。

本书还收录了大量验方，多为于理确当，而又试之灵验者。实为实用性很强的一部药物学著作。

分部本草妙用卷之五

古吳友七散人顧逢伯君升父纂

腎部

溫補

肉蓯蓉

甘微溫無毒 酒浸去中心絲甑蒸酥炙用

主治勞傷除莖中寒熱痛強陰壯陽多子婦人癥

瘕血崩男子痿陽遺瀝腰寒女子不產帶下陰痛



按從蓉峻補精血。陽事不興者。補之立效。丹溪以驟用滑腸。好古以治腎妨心。合藥配合得宜。陰陽交制。庶可用之。

已戟天

辛甘微溫無毒 覆盆子爲使。惡雷丸。丹參酒炒用。

〔主治〕大風邪氣。陰痿。強筋骨。療頭面遊風。小腹陰中痛。治男子夜夢鬼交。洩精益氣。助精治脚氣。補血海。療水脹。

按巴戟天。腎經血分藥也。病人虛損。加而用之。宗  
爽以之治。好酒者患脚氣。用巴戟半兩。糯米同炒。  
米微轉色。去米不用。大黃一兩炒。同爲末。熟蜜丸。  
溫水服五七十丸。仍禁酒愈。

遠志

苦溫無毒

去心甘草湯浸一宿焙乾用

主治利九竅益智慧耳目聰明不忘強志倍力定  
心氣止驚悸益精安魄堅壯陽道腎積奔豚婦人  
血噤失音男子虛損夢洩七情致病并治一切癰

疽

按時珍曰遠志非心經藥也。腎經氣分藥也。其功專于強志益精。治善忘。益精與志。腎所藏也。經曰。腎藏精。精合志。腎精虛則志氣衰。不能上通于心。故迷惑而善忘也。益精則志自長。其功豈淺鮮哉。卽七情內鬱。無論虛實寒熱。服之無不效。以之治死血陰毒。不痛者。傳之卽痛。憂怒攻痛。不可忍。傳之卽止。蘊熱逼人。手者。傳之卽涼。氣虛冷潰。不斂。傳之卽斂。浸酒治癰毒惡喉。更有奇效。○用遠志

法不拘多少米泔浸槌去心爲末每服三錢溫酒調沉少頃飲其清者以滓傳患處

補骨脂

卽破故紙

辛大溫無毒惡甘草忌芸臺及諸血得胡麻胡

桃良浸一日漉出以東流水浸三日蒸乾鹽炒用

**主治**勞傷骨髓傷敗腎冷精流婦人血氣墮胎男

子腰疼膝冷冷痺下元虛興陽壯陰煖丹田斂精

神

按破故紙屬火收斂神明能使心包之火與命門

火相通。故元陽堅固。骨髓充實。澀以治脫也。須以胡桃去皮同合。潤燥養血。血惡燥。油以潤之。得木火相生之妙。是以青娥丸爲壯陰聖藥。孫思邈言補腎不若補脾。而我以爲補脾不若補腎。腎虛則陽衰。陽衰則不能運化水穀。如釜中之物。無火燒之。則終日不熟。陰長則陽自旺。而脾自健矣。濟生丸用破故紙肉豆蔻二藥兼補。予以爲少加木香。斡旋其中。則奏效尤捷。

骨碎補

苦溫無毒

蜜拌潤蒸熟晒乾用

主治破血止血補傷折骨中毒風血疼手足不收  
上熱下冷殺肉虫研末入猪腎空心食治耳鳴腎  
虛久洩牙疼

按骨碎補腎經補藥故能入骨治牙入猪腎煨食  
止久痢也蜀人以之治閃折筋骨取根搗煮米粥  
和裏傷處有殊效予嘗以之治遠行房勞或痿軟  
症如神

杜仲

辛溫無毒

惡玄參蛇蛻皮去皮酥炙或鹽炒斷

絲用

主治腰膝痛益精堅筋骨陰溼癢小便餘瀝潤肝

燥補風虛

按古方只用杜仲補腎。好古言肝經氣分藥。入肝補腎。子能令母實也。

金櫻子

酸澀無毒

主治脾洩下痢止小便澀精妙藥久服耐寒輕身

丹溪曰。經絡隧道以通暢爲平和。而味者取澀性爲快慾。反致生病。何可長生。惟精氣不固者宜之。

冬青子

苦溫無毒

主治補中安五臟養精神除百病久服不老強陰補腎

按女貞實爲仙家上品。得少陰之精。故冬不落葉。其爲益腎也明矣。丹方云冬青子酒浸一日夜。布袋擦去皮。曬乾爲末。待旱蓮草出。多取數石。搗汁。

熬濃和丸酒下。

枸杞子

甘平溫無毒 甘州紅潤圓小者佳

〔主治〕熱中消渴周痺風溼堅筋骨補勞傷強陰益

精安神明目○根名地骨皮苦甘微寒功與子略

同專退骨蒸勞熱腎肺伏火補益正氣

俗以黃檗知母治下焦陰火致傷元氣枸杞地骨皮使精氣充而邪氣退勝檗母萬萬素問曰熱淫于內瀉以甘寒地骨皮是也精不足者補之以味。

枸杞子是也。陶氏云。去家千里。勿食枸杞。言其強陽之功耳。

陽起石

鹹溫無毒。桑螵蛸爲使。畏兔絲。惡澤瀉。桂。蛇蛻。雷丸。忌羊肉。有雲頭雨脚。及鷺鷥毛者眞。

**主治**腎絕陰痿。崩中漏下。癥瘕結氣。煖腎強陽。

起陽乃鹹溫之品。鹹歸腎。溫煖腎。故陰痿者宜之。崩漏癥結。皆腎虛所致。故并治耳。但難得其眞。慎勿誤用。

# 硫黃

酸熱有毒

入命門經。瑩淨無夾石者佳。甘草湯

煮過用。畏朴硝細辛。忌禽獸血。

主治下焦虛冷。陽絕不起。頭禿疽痔。疥癬。心腹疝

癰。脚膝冷痛。洩精虛損。

硫黃爲火之精。宜入命門補火。人之真火在右腎。

火熄則萬物無父而不生。非硫黃其孰補之。太清

云。硫稟純陽。號爲將軍。破邪歸正。返濁還清。挺立

陽精。消陰化魄。戴元禮云。熱藥皆燥。獨硫不燥。今

人不用。畏其熱耳。倘火衰之症。亦棄之乎。中其毒者。以猪肉鴨羹與甘草湯解之。

### 虎骨

辛微熱無毒

〔主治〕辟邪殺鬼。疰毒筋骨風溼拘攣不得屈伸。走注疼痛。傷寒溫氣溫瘧殺犬吠毒煎湯浴去骨節風毒腫。初生小兒長大無驚癇症。○頭骨作枕絕惡夢魘。置戶上辟鬼。

夫風從虎。則木爲金制明矣。所以治風病及走注。